

Broj: 03-34-923-1/2017
Sarajevo, 8.12.2017. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 11-12-2017			
Org. jed.	Broj	Priloga	Vrijednost
01,02-	05-	2197/17	

**PARLAMENT FEDERACIJE
BOSNE I HERCEGOVINE**

- **Predstavnički dom -**
gosp. Edin Mušić, predsjedavajući
- **Dom naroda -**
gđa Lidija Bradara, predsjedavajuća

Poštovani,

U skladu sa članom IV.B.3.7.c) (I) Ustava Federacije Bosne i Hercegovine, na osnovu člana 18. stav (3) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17), a u vezi sa članom 152. stav (2) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i članom 143. stav (2) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), **radi razmatranja i donošenja, dostavljam Vam PRIJEDLOG ODLUKE O IMENOVANJU JEDNOG ČLANA UPRAVNOG ODBORA AGENCIJE ZA BANKARSTVO FEDERACIJE BOSNE I HERCEGOVINE**, koji je utvrdila Vlada Federacije Bosne i Hercegovine na 131. sjednici, održanoj 7.12.2017. godine.

Prijedlog odluke se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



Prilog: - Prijedlog odluke na bosanskom jeziku i
- biografija kandidata

Co: Federalno ministarstvo finansija-
Federalno ministarstvo financija
gđa Jelka Milićević, ministar

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ODLUKA
O IMENOVANJU JEDNOG ČLANA UPRAVNOG ODBORA AGENCIJE ZA
BANKARSTVO FEDERACIJE BOSNE I HERCEGOVINE**

Sarajevo, decembar 2017. godine

Na osnovu člana 18. stav (3) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17), Parlament Federacije Bosne i Hercegovine, na sjednici Predstavničkog doma održanoj _____ godine i na sjednici Doma naroda održanoj _____ godine, donio je

**ODLUKU
O IMENOVANJU JEDNOG ČLANA UPRAVNOG ODBORA AGENCIJE ZA
BANKARSTVO FEDERACIJE BOSNE I HERCEGOVINE**

I

Slaven Zelenika, imenuje se za jednog člana Upravnog odbora Agencije za bankarstvo Federacije Bosne i Hercegovine do isteka mandata Upravnom odboru Agencije za bankarstvo Federacije Bosne i Hercegovine, imenovanom Odlukom o imenovanju Upravnog odbora Agencije za bankarstvo Federacije Bosne i Hercegovine („Službene novine Federacije BiH“, broj 12/17).

II

Ova odluka bit će objavljena u „Službenim novinama Federacije BiH“.

PF broj _____
Sarajevo, _____

**Predsjedavajući
Predstavničkog doma
Parlamenta Federacije BiH**

Edin Mušić

**Predsjedavajuća
Doma naroda
Parlamenta Federacije BiH**

Lidija Bradara

OBRAZLOŽENJE

I - ZAKONSKI OSNOV

Zakonski osnov za donošenje ove odluke je član 18. stav (3) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17), kojim je propisano da se Upravni odbor Agencije sastoji od pet članova koje, na prijedlog Vlade Federacije Bosne i Hercegovine imenuje Parlament Federacije Bosne i Hercegovine

II - RAZLOZI ZA DONOŠENJE

Odlukom Parlamenta Federacije Bosne i Hercegovine, broj: 01,02-02-1773/16 od 2.2.2017. godine („Službene novine Federacije BiH“, broj 12/17) u Upravni odbor Agencije za bankarstvo Federacije Bosne i Hercegovine na mandatni period od pet godina imenovani su: Ljerka Marić, Meliha Bašić, Samir Bakić, Želimira Raspudić i Velid Efendić

Međutim, dana 29.6.2017. godine, Želimira Raspudić se obratila Agenciji za bankarstvo Federacije Bosne i Hercegovine (u daljem tekstu: Agencija) dopisom kojim daje ostavku na mjesto člana Upravnog odbora Agencije zbog toga što je na 8. sjednici Upravnog vijeća Centralne banke BiH, održanoj dana 29.5.2017. godine, Upravno vijeće dalo saglasnost guverneru da istu imenuje na poziciju viceguvernera Centralne banke BiH na mandatni period od 4 godine, počevši od 1.7.2017. godine.

S tim u vezi, Želimira Raspudić je dana 29.6.2017. godine Agenciji dostavila pismeno obrazloženu ostavku na mjesto člana Upravnog odbora Agencije te se stoga Agencija obratila Upravnom vijeću Centralne banke BiH sa zahtjevom da se odobri da imenovana pored obavljanja funkcije viceguvernera u Centralnoj banci BiH obavlja i funkciju člana Upravnog odbora Agencije, do momenta razrješenja sa funkcije člana Upravnog odbora, a najduže tri mjeseca od dana podnošenja ostavke, odnosno od 29.6.2017. godine.

Imajući u vidu sve naprijed navedeno, Vlada Federacije Bosne i Hercegovine je raspisala Javni konkurs za izbor i imenovanje jednog člana Upravnog odbora Agencije koji je objavljen u „Službenim novinama Federacije BiH“, broj: 71/17. Također, Vlada Federacije Bosne i Hercegovine je imenovala Komisiju koja je provela postupak izbora kandidata za izbor i imenovanje jednog člana Upravnog odbora Agencije te je utvrđen prijedlog kandidata, odnosno utvrđeno je da se za jednog člana Upravnog odbora Agencije Parlamentu Federacije Bosne i Hercegovine predloži Slaven Zelenika.

III - FINANSIJSKA SREDSTVA

Za realizaciju ove odluke nisu potrebna izdvajanja iz Budžeta Federacije Bosne i Hercegovine.